

ՀՀ կառավարության 10.02.2022թ. № 155-Ն որոշման մեջ փոփոխություններ և լրացումներ կատարելու մասին

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

ՈՐՈՇՈՒՄ

2024 թվականի N - Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2022 ԹՎԱԿԱՆԻ ՓԵՏՐՎԱՐԻ 10-Ի N 155-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

Հիմք ընդունելով «Նորմատիվ իրավական ակտերի մասին» օրենքի 34-րդ հոդվածի 1-ին մասը՝ Հայաստանի Հանրապետության կառավարությունը **որոշում է.**

1. Հայաստանի Հանրապետության կառավարության 2022 թվականի փետրվարի 10-ի «Ծխախոտային արտադրատեսակների փոխարինիչների անվտանգության տեխնիկական կանոնակարգը հաստատելու մասին» N 155-Ն որոշման հավելվածի՝
 - 5-րդ կետը շարադրել հետևյալ խմբագրությամբ՝

«5. Սույն տեխնիկական կանոնակարգման օբյեկտ հանդիսացող և ներքին սպառման համար շրջանառության մեջ դրված արտադրանքը հավաստվում է համապատասխանության գնահատմամբ՝ համապատասխանության հայտարարագրման եղանակով:».

- 7-րդ կետի 1-ին ենթակետը շարադրել հետևյալ խմբագրությամբ՝

«1) սպառողական փաթեթվածք՝ վերջնական սպառողին իրացվող նիկոտին մատակարարող համակարգի (այսուհետ՝ ՆՄՀ) լիցքավորման համար տարողության, նիկոտին պարունակող արտադրանքի (այսուհետ՝ ՆՊԱ) կամ նիկոտին չպարունակող արտադրանքի (այսուհետ՝ ՆԶՊԱ) համար նախատեսված փաթեթվածք:».

- 7-րդ կետի 2-րդ ենթակետում «նիկոտին մատակարարող համակարգի (այսուհետ՝ ՆՄՀ)» բառերը փոխարինել «ՆՄՀ» հապավումով.
- 7-րդ կետի 3-րդ ենթակետում «նիկոտին պարունակող» բառերից հետո լրացնել «կամ չպարունակող» բառերը.
- 7-րդ կետի 7-րդ ենթակետում «նիկոտին պարունակող արտադրանք (այսուհետ՝ ՆՊԱ)» բառերը փոխարինել «ՆՊԱ» հապավումով և

- «նիկոտին» բառից առաջ լրացնել «0,1 մգ/գ և բարձր» բառերը.
- 7-րդ կետը լրացնել հետևյալ բովանդակությամբ նոր 8.1-ին ենթակետով`

«8.1) ՆԶՊԱ՝ սպառողի կողմից ՆՄՀ-ի շահագործման ընթացքում առաջացող 0,1 մգ/գ-ից պակաս նիկոտին կամ նիկոտինի աղեր պարունակող աերոզոլ ներքաշելու միջոցով օգտագործման համար նախատեսված արտադրատեսակ.».

7) 7-րդ կետի 9-րդ ենթակետից հանել «նիկոտին պարունակող» բառերը.

8) 7-րդ կետի 10-րդ ենթակետից հանել «նիկոտին կամ նիկոտինի աղեր պարունակող» բառերը.

9) 7-րդ կետի 13-րդ ենթակետում, 19-րդ և 32-րդ կետերում «նիկոտին պարունակող» բառերից հետո լրացնել «կամ չպարունակող» բառերը.

10) 16-րդ կետի 1-ին ենթակետը և 33-րդ կետն ուժը կորցրած ճանաչել.

11) 5-րդ բաժնի 1-ին նախադասությունը հանել.

12) 22-րդ կետի 1-ին ենթակետից հանել «կամ այլ հավելումներ, որոնք տպավորություն են ստեղծում, որ ծխախոտային արտադրատեսակի փոխարինիչն առողջության համար օգտակար է կամ ներկայացնում է առողջության համար նվազեցված ռիսկեր» բառերը.

13) 34-րդ կետի 1-ին ենթակետը լրացնել հետևյալ նոր պարբերություններով՝ «իա. վիտամին E- ացետատ, իբ. դիացետիլ, իգ. դիետիլէնգլիկոլ, իդ. էտիլէնգլիկոլ».

14) 51-րդ կետի 12-րդ ենթակետում «Պարունակում է նիկոտին, որը թունավոր է և կախվածություն է առաջացնում» բառերը փոխարինել ««Տվյալ արտադրանքը կարող է վնաս պատճառել Ձեր առողջությանը» ՆԶՊԱ-ի համար և «Պարունակում է նիկոտին, որը թունավոր է և կախվածություն է առաջացնում» ՆՊԱ-ի համար»» բառերով.

15) ամբողջ տեքստում «ՆՊԱ» հապավումից հետո՝ իր հոլովածներով լրացնել «և ՆԶՊԱ» բառերը՝ համապատասխան հոլովածներով:

2. Սույն որոշումն ուժի մեջ է մտնում պաշտոնական հրապարակման օրվան հաջորդող 180-երորդ օրը:

